

جریدہ علیہ

مشيخت جليله اسلاميه نك جريدہ رسميه سید

۱۰ رجب ۱۳۳۸ و ۳۱ مارت ۱۳۳۶

دارالحکمة الاسلاميه طشره تشکيلاتى

دارالحکمة الاسلاميه لازستان سنجائى مرکز مفتيسنک تحت رياستنده انعقاد ايدن دارالحکمة انجمنى بروجہ آتی تشبثاتده بولندينى بيلديرلشدر :

دارالحکمة الاسلاميه رياست جليلهسنه

ورود ايدن تعليماتنامه موجبنجه شمدى به قدر انجمن علميه ضر طرفدن اتخاذ قلنان مقررات وتدابير نتيجهسنده کي ثمره بروجہ آتی ضر قلنور :

۱ — مذکور تعليماتنامه ده کي مواد موجبنجه تشکيل ايدن انجمن طرفدن خالق ارشاد خصوصى تأمل وتذکر قلنمشدر نتيجه مذاکرده جماعت مسلمينک عقيدة فاسده وباطله سنک اصلاحى ونفاق وشقاقک ازاله سى وبالعموم اهاالى نک يکديکرىنک حقوق وعرض وناموسى واموال واملاکنه تعرضدن مجانبى وشرع شريف دائرهسنده يوللرده و درون قصبهده عالمسى مستور بر حالده بولنديرمق و دوکونلرده وقينا کيجهلرنده قادين وارکک اويناत्मق ، خورا ونعره وشرقى ايتديرمک وفعل زنا وسائر منهياتدن توقى ايلک ايله برابر اوامر الهيه وحکومه اطاعت ومواظبت کاملهده بولونلمسى خصوصنه دائر بر بياننامه نشر وممرناس اولان محللرده تعليق ايتديرلمش وقريه لردهده ائمه وخطبا واسطه سيله اهالى مسلمينه تفهيم وتبليغ قلنمشدر .

۲ — مرکزده بعض محللرده قسار خمر وسائر مسکرات استعمال ايدنلر مشاهده اولنديغندن بو کي منهياتک اوکي آत्मق خصوصى تذکر وتأمل ايديارک ايجابنک اجراسى خصوصى ومسکراتى استعمال ايدن قهوه خانه وقراخانه سد ايتديرلمسى بامذکره کيفيت مقام متصرفدن رجا ايدلمش وفى الواقع ضابطه يه ويريلان اوامر شديد نتيجهسنده بر طرف ايدلمش وشمدى به قدر علنا بوکي منهياتک استعمالنه تصادف ايديله مه مشدر .

۳ — رمضان غفرانده علنا نقض صيام ودينى تحقير ايدنلره وشرع شريفه مغاير بعض احواله تصادف ايدلمشدر شويله که دوکونلرده عادت سقيمى اولوق اوزره قز وارکک قول قوله ويردرک خورا ونعره وشرقى کي منهيات انهماک ايدنلرک قريهسنده کي ائمه ومختلارى مسئول طوتيله رق کنج ار وقزلرک پرده ناموسى وعرضلرينک محافظه سى خصوصسنده

شروع شریف دائرہ سنندہ اول امر دہ ائمہ و مختاران طرفندن خانہ سنندہ خورا و شرقی منہیاتک افعالندن صرف نظر اولمسی خصوصی دو کون صاحبہ اخطار ایدیلہ جنت عکسی تقدیرده تأثیری کورلار ایسه دائرہ افتایہ اخبار ایدلمسی جهتی ائمہ مجبور طوطلمسی و فاعلاری حققرنده تعقیبات قانونیه سنک ایفاسیله اوراقی خمت عدلیه و بریلہ جکی و کویلرده و قصبه ده معذرت مشر و عه سی اولمدینی تقدیرده نقص صیام ایدنلر کورلدیکی حالده حققرنده تعقیبات قانونیه نک اجراسی خصوصی تقرر ایش و او یولده کیفیک بامذکر مقام متصرفی دن استرحام ایدلمش و بالعموم قریه لرده ایفا ایدیلان تبلیغات لازمه نک تأثیریه له الحمد کچن رمضان شریفده علماً نقص صیام خصوصی کورلدیکی کبی قریه لرده دو کونلرده کی منہیاته نهایت ویردیرلمشدر .

۴ — تعلیماتنامه ده ککی مواد موجبنجه تدریسات دینیہ ضروریہ بی درجه تکامله ایضالی خصوصی تأمل و تذکر قائمشدر اول امر دہ حرب عمومی طولانیسیله مشرف خراب اولان مدارس و مکاتبک تعمیری کیفیتی اهالی محلیه مجبور طوطلمش، طاقت بشرک تحمیل قدر مهمالمن مدارس و مکاتب تعمیر ایدلمش و ۱۷ ایلول ۳۵ تاریخلو قرار موجبنجه درسره باشلاتدیرلمسی تبنیه ایدلمش و تاریخ مذکور دن نصکره بالعموم مکاتب و مدارسک درساری باشلاتدیرلمشدر .

۵ — کنج و اختیار قادین و ارکک احوال طولانیسیله عقائد دینیہ و عبادات و طاعتده پک کری و نقصان قلوب بونلرک دخی پروگرام دائرہ سنندہ دائرہ اطاعته الديرمق و تذهیب اخلاق و قلوبک توحیدینه باعث و سبب نجات ابدیه بولان جماعت کرامی فقه درسلیرنه دوام ایتدیرلمسی بوضوئیه ده از یاده فواید و ثمره اقتطاف اولنه جنی تأمل و تذکر ایدیلهرک موسم شتادن بالاستفاده مقتدر مدرسین طرفلرندن تولدقلری قریه ده کی جماعت مسلمینه فقه درساری فخری اولهرق تدریسی تقرر ایدرک بوضوئیه صلوٰۃ ، صوم ، غسل ، طلاق ، نکاح کی مسائل دینیہ ضروریہ نک بوضوئیه معیده و محمله دائرہ سنندہ تدریسی و انجمن علمیہ طرفندن ارده صرہ بالمراقبه ثمره سی خصوصی و مداوم اولوب اولمدینی جهتی دور و تفتیش ایتدیرلمسی ده جمله مقرراتدن اولدینی و اهالی مسامینه کیفیت ملائمه برطرزده و موعظه صورتیه ایراد ایدلمشدر .

برای تفتیش حقیقتیغ کویلرده هر مدرسک درسہ سی و اختیار لاقول قرق الی کشی

قدر درسه دوام ایدن جماعت کرام مشاهده ایدلیدی و کندولرینه ایراد ایدیلان سؤاله جواباً شایان افتخار بر درجه ده مسئله فقهیه و علوم دینه لرینی او کوندکاری مشهودینز اولمشدر .

۶ — انجمن علمیہ طرفندن قصبه و بعضی قریه لرده صورت منظمه ده خلقی ارشاد و دیگر قرای مسلمینده دفترده اسمعلری مضبوط مدرسین طرفندن قالدین و ارککلره وعظ و نصیحت ایرادی خصوصی تأمل ایدلمش ، و پروگرام دائره سنده مرکزده مفتی جامع شریفنده داعیلری وطاشچی علی جامعنده عثمان افندی، یالی جامعنده حاجی رجب افندی و شیخ جامع شریفنده مرکز لوا مدرسی علی افندی طرفندن موعظه ایراد و قریه لرده قره دره ناحیه سی جامع کیرنده انجمن اعضاسندن مدرس محمود و بوطومیه دره سی مرکز جامع کیرنده حاجی ثابت واطه قریه سی جامع کیرنده محرم افندی طرفندن و دیگر قریه لرده تشکیلات یاپیلدینی اوزره اوقات معینده قالدین وارککلره موعظه ایراد ایدلمکده در .

۷ — اخیراً شرف ورود ایدن و تعمیماً ارسال قلنان ۳۰ تشرین ثانی ۳۵ تاریخ ۳۰۹ نومرولی دارالحکمة الاسلامیه ریاستک تحریرات مندرجاتی مطالعه و قرائت ایدلای . کویلرده بولنان ائمه و خطبا افندیلری دخی پروگرام دائره سنده کندولرینه صورت بجهلده مسائل فقهیه تدریس ایتدیرلمسی؛ مرکزده جلیلرنده مدارس و قهوه خانه کبی اباتیه عائد مساکن بولنماسندن و مرکزده یکریمی ساعتک بعد مسافه ده کی ائمه نک درسه دوام ایتدیرلمسی غلای اسعار طولانیسیله خیلی مصارف اختیارینه متوقف اوله جفندن و بخصو صدن ناشی دعوتیه ایجابت ایده میه جکلری قویاً مأمول اولمقله مرکزده قریب قریه لرده کی ائمه مرکزده جلب ایدلمسی و اوزاق تحللرده بولنان ائمه هم درسه دوام و همد قریه سنده کی وظائف مودوعه سنی ایفا ایلک مشکلاتی موجب اولدیفندن کندولرینه برسهولت اولق و درسدن فوائد عظیمه اقتطاف ایدلمک اوزره قریه لر آره سنده بر تشکیلات یاپیلهرق کندولرینه اراء اولنان قریه ده کی مدرسین کرامندن مسائل فقهیه تدرس ایلری تحت قراره آلمش و ۲۵ کانون ثانی ۳۶ تاریخندن اعتباراً ائمه درسره باشلاتدیرلمش و دوام ایدن ائمه ایلا دوام ایمان ائمه نک دخی اسمعلری آئی نهایتده بادفتر دائره افتایه اخبار ایتلری حقنده مدرسلر مجبور طو تلش و بر طرفندن ده دوام خصوص سنده مجبور اولدقلری مقام متصرفی نک معاونتیه قریه لرده کی ژاندرمه واسطه سیله

آیروجه ائمه و خطبایه تبلیغات ائیده اجرا قلمش و بو تصنیق نتیجه سی مارالعرض تاریخ دیری
درسره دوام ایتدیرلدیکی وقوعبولان تفتیشادن اکلالمشدر .

۸ — مارالعرض اوتوز ایکی قریه دن اهالی مسلمانیه ککشد ایدیلان فقه
درس لرندن ماعدا آره صره کتب احادیث شریفه نك دخی تدریس ایتدیرلمسی تأمل ایدیلرک
اک چوق مسلمان کرامک تجمعکاه اولان محللرند حدیث شریف دن بر درس
ویردیرلمسی ده ا زیاده فائده سی اوله جغندن قرار وجهله مرکز لواده شیخ جامع شریفنده
لوا مدرسی علی و بو طومیه جامع کیرنده انجمن علمیه اعضا سندن حاجی ثابت و مرکز
قره دره مدرسه سنده مدرس انجمن علمیه دن محمودا قندیلر طرفلرندن بخاری شریف درس نه
مباشرت ایتدیرلمش و بو وسیله ایله اهالی کرام درس سامعین صفتیه مداوم بولندقلری
وعقیننده دخی معتاد وجهله سلامت دولت و دین خصوصنده ادعیه خیریه مدرسی طرفندن
قرا تله جماعت مسلمان رفیع صدای آمین ایلدکلری وله الحمد لوا من داخلنده مذاهب
اربعة طعن ایدنلر و منکرات کی افعاله جرأت ایدنلر بولندیقی و تأثیرات موعظه
طولانیسیله اوقات خمسده جوامع شریفه جماعت ایله لبالب طولو اولدقلری عرض قلمور .

الداعی

دارالحکمة الاسلامیه ریزه انجمن علمیه ریسی

مفتی

